

元史

元史

元史類編卷之三十五

仁和邵遠平戒山學

南沙席世臣郢客氏校刊

文翰一

楊奐

楊果

牟應龍

鄭滁孫

危復之

附何中

陸文圭

附梁益

姚燧

趙孟頫

陳孚

附馮子振

韓性

鄧文原

戴表

元

李之紹

貫雲石

楊載

附楊剛中

元明善

虞集

弟槃

范梈

揭傒斯

周仁榮

附孟慶恂

宇文公諒

李河

曹鑑

黃潛

柳貫

吳萊

歐陽元

陳旅

附程文陳繹曾

劉詵

附龍仁夫劉岳申

李孝光

孫轍

附吳廻翁

杜本

張樞

蘇天爵

貢

師泰

周伯琦

張翥

朱震亨

李杲

楊奐字煥然乾州奉天人生之夕母夢東南日光射其身旁一神

人授之以筆其父謂文明之象因名曰奐金末舉進士不中歸而

設教鄉里

元好問墓碑云年十一丁內艱日蔬食誦孝經為課人以天至稱又五年師鄉先生吳榮叔未幾賦業成即有聲場屋興定辛巳下第同舍生勸試補臺掾與答書曰先大人每以作掾為諱僕無所似肖不能顯親揚名敢貽泉下之憂乎

一統志云元初隱居鄆縣講道授徒學者稱為紫陽先生

金汴京降與微服北

渡冠氏帥趙壽之延致待以師禮門人有自京師載書來者因得

聚讀東平嚴實聞奐名數問其行藏奐終不一詣太宗詔宣德稅

課使劉用之試諸道進士奐試東平兩中賦論第一從監試官北

上以中書令耶律楚材薦授河南路徵收課稅所長官兼廉訪使

奐自著還山集云咸已酉中書耶律公以軍國大計舉近世轉運司例經理十路課稅易司為所黜使稱長相豐歉察息耗以平歲入聽中書省總之開創伊始制度未遑天下郡縣猶以財賦自贍不重其權則無以剋其弊故吏污濫得廉糾刑賦舛錯得釐正之凡在吏許自辟以從將行言於楚材曰僕不敏誤蒙不次

之用以書生理財賦已非所長况河南兵荒後遺民無幾烹鮮之

喻正在今日急而擾之糜爛必矣願假以歲月使得撫摩瘡痍為

朝廷愛養基本楚材甚善之既至一以簡易為政按行境內親問

監務月課幾何有以增額進者遽責之曰剝下欺上汝欲我為之

邢減元額四之一公私稱便在官十年乃請老于燕之行臺世祖
在潛邸驛召奐參議京兆宣撫司事碑云累上書乃得請閑居鄉
郡築室曰歸來爲佚老之所年七十疾
疾篤處置後事如平時引觴大笑而卒碑云敕家人吾且死勿
以二氏齋醮貽識者笑賜諡文憲
公傳覽強記作文務去陳言以蹈襲古人爲耻朝廷諸老皆折行
輩與交關中號多士名未有出奐右者所著有還山集六十卷大
興近鑑三卷正統書六十卷行世

楊果字正卿祁州蒲陰人宋末徙許昌以章句授徒爲業流寓軾
軻十餘載登金正大中進士參政李蹊行大司農于許昌果以詩
送之蹊大稱賞歸言於朝用爲偃師令俄調蒲城及陝皆劇縣所
到以廉幹稱金亡果閒廢久會楊奐徵河南課稅辟爲經歷未幾
史天澤經畧河南復用爲參議時兵革之餘法度草創果隨宜贊
畫民賴以安世祖中統元年命爲北京宣撫使明年拜參知政事

與左丞姚樞等日赴省議事尋出爲懷孟路總管以老致政卒于家年七十五諡文獻果性明敏美丰姿工文章尤長於樂府善諧謔聞者絕倒有西庵集行世

牟應龍字伯成其先蜀人後徙吳興祖子才仕宋爲國學博士諡

清忠

虞集墓碑云子才以言事忤時宰鄭清之去國抵吳興寓第而應龍生子才喜字曰翁歸

父獻爲大理少卿

應龍作王應麟小學紺珠序自云大

父第故宋嘉定癸丑進士父數典銓曹

應龍幼警敏爲文有渾厚氣當以任子補京職盡讓

諸從弟而自業舉子成咸淳初進士時賈似道當國欲邀一見處以高第應龍拒不往及廷對極言上下情隔國勢危急狀考官不敢寘上第除光州定城尉應龍曰昔吾祖對策以直言忤史彌遠得洪雅尉今固當爾無媿也沿海制置司辟爲屬以疾辭宋亡故相留夢炎位冢宰以書招之曰苟至翰林可得也亦不答已而起家教授溧陽州晚以上元縣主簿致仕初宋亡時獻已退不仕一

門父子自爲師友討論經學於諸經皆有成說惟五經音攷盛行於世應龍爲文長於敘事時求其文者車轍滿門人擬之眉山父子學者稱曰隆山先生

鄭滁孫字景歐處州人宋景定間進士爲禮部郎官至元三十年有以滁孫名薦者世祖召見授集賢直學士尋遷侍講學士卽致仕歸弟陶孫字景潛亦宋進士監西嶽祠先滁孫徵至闕奏對稱旨授國史院編修官纂修宋史至德祐末年事陶孫曰臣嘗仕宋宋是年亡義不忍書世祖嘉之轉應奉翰林文字兄弟在當時最號博洽學士大夫翕然推重隆福宮以其兄弟皆前朝士特製衣親賜之人以爲異遇滁孫所著有大易法象通贊周易記玩等書陶孫有文集若干卷

危復之字見心江西撫州人宋末爲太學生師事湯漢博覽羣書

好讀易尤工於詩世祖至元初元帥郭昂屢薦爲本路儒學官不就後朝廷累遣奉御察罕及翰林應奉詹玉以幣徵之皆弗起終隱紫霞山中學者私謚貞白先生同鄉何中字太虛一統志云宋末舉進士少穎拔以古學自任家有藏書萬卷手自校讎日與門弟子講經義其學宏深該博江西行省全岳桂聘爲宗濂書院山長所著有易類象書傳補遺通鑑綱目測海及知非堂稿支頤錄諸書何中自序稟尚有通書問叶韻補疑六書綱領各一卷

陸文圭字子芳江陰人幼穎悟博通經史百家宋咸淳初以春秋中鄉選年甫十八宋亡隱居城東學者稱曰塙東先生延祐設科有司強之就試凡一再中鄉舉爲文融串經傳縱橫變化莫測其涯際東南學者宗之朝廷數遣使馳聘以老疾不行卒年八十五性高邁以奇氣自負於地理考覈尤詳凡天下郡縣沿革人物土

產悉能默記如指掌先屬纊一日語門人曰以數考之吾州二十
年後必被兵吾死當葬不食之地勿封勿樹使人不知吾墓所在
庶無暴骨患其後江陰亂氛盡發人服其先知著墻東類稿二十
卷 同里梁益字友直博治經史工文辭其教人以變化氣質爲
先學徒不遠千里從之自文圭旣卒浙西稱學術醇正者惟益而
已所著有三山稟詩緒餘史傳姓氏纂又有詩傳旁通等書深得
朱子之學

姚燧字端甫平州柳城人左丞樞之從子也生三歲而孤樞育之
方隱居蘇門山謂燧蒙闇教督之過急燧不能堪楊奐上之曰燧
令器也長自有成何急爲且許黜以女年十三見許衡於蘇門十
八始受學時未嘗爲文視流輩所作惟見其不如古人心弗是也
二十四始讀韓退之文試習之人謂有作者氣世祖至元七年衡

爲祭酒奏召舊弟子燧自太原驛致館下初爲秦王府文學未幾
兼提舉陝西學校以秦王命安輯庸蜀凡三使蜀皆稱職再遷翰
林直學士改大司農丞成宗元貞初總裁世祖實錄書成授江東
道廉訪使

理學宗傳作江
西行省參政

移病寓太平仁宗居藩邸開宮師府燧年已

七十遣正字呂洙如漢徵四皓故事起爲太子賓客尋拜太子少
傅辭曰昔臣伯父樞嘗除是官尚不敢拜臣何敢受改翰林學士
承旨逾年得告南歸卒年七十六諡曰文初燧居蘇門時讀通鑑
綱目嘗病國統散於逐年不能一覽得離合之槩及告病江東著
國統離合表年經國緯如史記諸表將附朱熹凡例後復取徽建
二本校讐得三誤焉序於表首爲文閎肆該洽豪而不宕剛而不
厲舂容盛大有西漢風當時有欲闡揚先德者必求燧文多以不
得爲媿每來謁文必其行業可嘉然後許辭無溢美又稍廣置燕

樂則爲之喜而援筆疾書否則弗易得也

書史會要云燧以文章名海內書宗顧素

高麗潘

陽王父子連姻帝室領貴結朝臣一日欲求燧詩文靳不與至奉

旨乃與之王致謝幣帛金玉五十篚燧卽分散諸官屬及史胥侍

從以金銀付翰林院爲公用器或問之燧曰彼藩邦小國唯以貨

利爲重吾能輕之使知大朝不以是爲意燧頗恃才輕睨趙孟頫

元明善輩所著有牧庵文集五十卷

輟耕錄云燧在中臺時忽御史大夫謂曰天子以汝賢故擢居耳目之官今且歲餘

興利除害事未有片言相及惟以舉薦爲務何耶燧曰某所薦百有餘人皆經世才其在中外並能上裨聖治則某之報效亦勤矣何屑屑興利除害爲按本傳不言燧爲中臺御史亦不詳薦舉事又云燧爲翰林學士承旨日玉堂設宴歌妓羅列中有一人秀麗閑雅微操閩音燧問其履歷初不以實對叩之再泣曰妾乃建寧人氏父官朔方祿薄不足以給侵貸公帑無償遂流落至此燧命之坐遣使詣丞相三寶奴請爲落籍丞相素敬燧意燧欲之卽令教坊除籍燧得報語一小史曰我以此女爲汝妻女卽以我爲父史忻然京師傳爲盛事

冊曰華文敷實諛墓寧譏名聞外裔不爲利移才行兼美實爲世師方之謝氏邇末同歸

趙孟頫字子昂

書史會要云號松雪道人

宋秦王德芳之後五世祖秀王子稱實生

孝宗賜第湖州故孟頫爲湖州人幼聰敏爲文操筆立就

名賢錄云成進士爲

潤州錄事參軍元詩選云年十四以父廢補官

宋亡絕意仕進益自力學至元二十四年侍御史

程鉅夫奉詔搜訪遺逸以孟頫入見神采煥發世祖顧之喜命坐

右丞葉李上或言宋宗室子不宜使近左右帝不聽時方立尚書

省命孟頫草詔帝覽之喜曰得朕心所欲言矣會更造至元寶鈔

帝令與議刑曹欲計贓罪滿至元鈔二百貫者死孟頫曰始造中

統鈔時以銀爲本虛實相權及今二十餘年輕重相去不啻數十

倍故改中統爲至元若謂至元鈔終無虛時寧有是理計鈔抵法

疑太重古者以米絹民生所須謂之二實銀錢與二物相權謂之

二虛四者爲直雖升降有時終不大相懸也以絹計贓爲適中或

以孟頫年少且初自南來輒妄議國法意頗不平孟頫曰法者人

命所繫議有重輕則人不得其死矣孟頫奉詔與議不敢不言也

是年六月授兵部郎中時至元鈔法果滯澁不行遣尚書劉宣與
孟頫馳驛至江南問行省丞相慢令罪詔凡左右司及諸路官則
徑加咎責孟頫受命往比還不咎一大忤丞相桑哥意有王虎
臣者訴平江路總管趙全不法卽命虎臣往按其事桑李執奏不
聽孟頫進曰前虎臣守郡時多強買人田全數與爭今往必將陷
之縱得實人亦不能無疑帝悟乃遣他使桑哥當鐘初鳴時卽坐
省中六曹官後至者咎之不少貸一日孟頫後至斷事官遽引受
咎孟頫入訴於都堂右丞葉李曰古者刑不上大夫所以養其廉
耻教之節義且辱士大夫是辱朝廷也桑哥亟慰之使出

續資治通鑑長編卷一百一十五

御牆外道陰馬跌墜于河市聞之賜鈔五十錠卽移築御牆稍西二丈許

二十七年遷集賢直學士八月地震武平

路尤甚地陷黑沙水湧出時帝駐蹕龍虎臺遣平章阿魯渾薩理
馳還召集賢翰林兩院官詢致災之由議者但泛引五行災異言

以修人事應天變爲對莫敢語及時政先是桑哥遣其黨理算天下錢穀已徵者數百萬未徵者尚數千萬民不聊生自殺者相屬孟頫素與阿魯渾薩理善勸入奏於帝請下詔蠲除庶天變可挽帝從之詔已具桑哥怒曰此必非帝意孟頫曰凡錢糧未徵者其人死亡已盡復何所從取不及時除免他日言事者倘以失陷錢糧數千萬歸咎尚書省豈不爲丞相累邪桑哥悅遂下詔民始獲蘇帝嘗問葉李留夢炎優劣對曰夢炎臣父執素重厚篤於自信好謀而能斷有大臣器葉李所讀之書臣皆讀之其所知所能臣皆知之能之帝曰汝以夢炎賢於李邪夢炎在宋爲狀元位丞相當賈似道誤國罔上夢炎依阿取容李布衣乃伏闕上書力詆似道其賢於夢炎甚遠汝以夢炎爲父友不敢直斥其非可作詩以譏之孟頫賦詩有往事已非那可說且將忠直報皇元之語帝益

嘆賞孟頫退謂奉御徹里曰止論賈似道誤國責留夢炎不言今

桑哥罪甚於似道而我輩不言他日何以辭其責侍臣中慷慨有

大節又爲上所親信無踰公者夫捐一旦之命爲萬姓除殘仁者

事也公其勉之既而徹里果於帝前首發桑哥罪惡會大臣亦有

繼言者帝遂按誅桑哥歐陽元神道碑云後徹里語及所事孟頫自念久在上

測必爲人所忌力請補外出同知濟南路總管府事及修世祖實

錄名還命書金字藏經既成除集賢直學士仁宗在東宮知其名

比卽位名爲集賢侍講學士河間志云皇慶元年九月河間進嘉禾異畝延祐三

年拜翰林學士承旨帝嘗與侍臣論文學之士以孟頫比唐李白

宋蘇軾焉又嘗稱其狀貌昃麗操履純正博學多聞文詞高古書

畫絕倫旁通佛老之旨皆人所不及有間之者言國史不宜使孟

頫典其事帝曰趙子昂世祖所簡拔朕特優以禮貌置之館閣令

典司述作俾可傳後世此屬嗷嗷何也俄賜鈔五百錠謂侍臣曰
中書每稱國用不足必持不與其以普慶寺別貯鈔給之孟頫嘗
累月不至宮中帝以問左右皆謂其年老畏寒勅御府賜貂裘一
襲初孟頫以程鉅夫薦起家爲郎及鉅夫以翰林學士致仕去孟
頫代之先往拜其門而後入院尋得請南歸至治元年英宗遣使
卽其家令書孝經明年六月卒追封魏國公諡文敏所著松雪齋
集詩文清邃奇逸篆籀分隸真行草書無不冠絕今古有天竺僧
數萬里來求其書歸國中寶之其畫山水木石花竹人馬尤精八
神品史官楊載稱孟頫才頗爲書畫所掩知其書畫者不知其文
章知其文章者不知其經濟人以爲知言輟耕錄云孟頫書法人但知自魏晉中來晚年則稍入李北海耳嘗
見千字文一卷以爲唐人字絕無一點一畫似孟頫法度閱至後方知爲孟頫書其自題云僕廿
年來寫千文以百數此卷殆數年前所書當時學褚河南孟法師碑故結字規模八分今日視之
不知孰爲勝也田君良卿于市中買得此卷特來求跋爲書其後因思自五歲入小學學書不過
知世人漫學之耳不意時人持去可以弼錢而良卿又捐錢以購之皆可笑也又聞孟頫偶得米

海岳書壯懷賦中闕數行因取刻本摹搨以補其闕凡易

子雍突並以書畫知名

五七紙終不如意乃嘆曰今不逮古多矣遂以刻本完之
書史會要云雍字仲穆官集賢待制工真行草篆篆法二李而清勁有餘真行草皆得父傳孟頫
常為幻住庵僧寫金剛經未及半而卒雍足成之其聯續處人莫能辨矣字仲光隱居不仕工真
行草書其合作者可與孟頫亂真

圖

補遺

妻管氏名道昇字仲姬吳興人善

繪寶鑑云雍畫山水師董源尤善人馬

詞章作墨竹筆意清絕亦能書仁宗嘗取其書合孟頫及雍書裝
潢成帙識以御寶命藏秘書監曰使後世知我朝有一家夫婦父

子皆善書者 兄孟頫字山齋書法宗二王 弟孟頴字子俊官

知州工人物花鳥亦善書 孫鳳字允文麟字彥徵皆雍子亦以

能書名

俱見書史
會要補

冊曰文為藝掩經猷誰識持正拒邪有裨邦國惜以楚材乃
為晉用憂炎之論得無餘痛

陳字剛中台州臨海人至元中以布衣上大一統賦江浙行省
聞於朝署上蔡書院山長考滿謁選京師世祖命尚書梁會使安